

Na osnovu člana 33. Statuta općine Doboj Istok ("Službene novine općine Doboj Istok", broj: 05/08) i člana 9. Odluke o utvrđivanju kriterija za dodjelu stipendija redovnih studenata ("Službene novine općine Doboj Istok", broj: 02/15 i 2/18), Općinski načelnik općine Doboj Istok, na prijedlog Komisije za mlade Općinskog vijeća Doboj Istok raspisuje

KONKURS za dodjelu stipendija redovnim studentima dodiplomskog studija za akademsku 2019/2020. godinu

I

Raspisuje se konkurs za dodjelu 15 (petnaest) stipendija redovnim studentima dodiplomskog studija u akademskoj 2019/2020. godini u ukupnom iznosu od po 1.000,00 KM po studentu.

II

Pravo na stipendiju imaju redovni studenti koji ispunjavaju sljedeće uslove:

- da su državljani Bosne i Hercegovine,
- da imaju prebivalište na području općine Doboj Istok,
- da se školuju na univerzitetima u Bosni i Hercegovini,
- da ne primaju stipendiju od drugog davaoca
- da su u tekućoj akademskoj godini prvi puta upisali određenu nastavnu godinu i
- da nije stariji od 30. godina.

III

Uz zahtjev je potrebno da studenti prilože sljedeće dokaze:

a) obavezni dokumenti

1. Uvjerenje o državljanstvu,
2. Dokaz o prebivalištu (CIPS prijava),
3. Uvjerenje da je kandidat redovan student,
4. Dokaz o završenim prethodnim razredima srednje škole (za studente prve godine),
5. Uvjerenje o položenim ispitima sa ocjenama i izvedenom procjebnom ocjenom za prethodnu godinu,
6. Uvjerenje da je prvi puta upisao određenu akademsku godinu studija i
7. Ovjerenjena izjava da nije korisnik druge stipendije,

b) dokumenti na osnovu kojih kandidatu pripadaju bodovi

1. Uvjerenje da je iz uže porodice šehida i poginulih boraca,
2. Uvjerenje da je iz uže porodice RVI-a,
3. Uvjerenje da je iz uže porodice demobilisanih boraca
4. Uvjerenje (dokaz) da je student iz porodice korisnika socijalne pomoći,
5. Dokaz (izvod iz matične knjige umrlih) da je student bez roditeljskog staranja (bez jednog ili oba roditelja)
6. Uvjerenje da je iz uže porodice civilnih žrtava rata (JU Centar za socijalni rad Doboj Istok),
7. Uvjerenje o prosjeku plaće, penzije ili ostalih primanja za 2019. godinu (za sve članove domaćinstva koji ostvaruju primanja),
8. Uvjerenje od službe za zapošljavanje za nezaposlene članove domaćinstva ili drugi odgovarajući dokument,
9. Uvjerenje o prihodima u 2019. godini od Poreske ispostave Doboj Istok (za sve članove domaćinstva koji ostvaruju primanja),
10. Dokaz o osvojenim nagradama na međunarodnom, državnom, federalnom ili kantonalnom takmičenju iz prethodne školske godine samostalno ili ekipno (u školi i sportu),
11. Dokaz o priznanjima u srednjoj školi (učenik generacije) i fakultetu (srebrna i bronzana plaketa),
12. Izjavu o zajedničkom domaćinstvu (kućna lista).

IV

Zahtjevi sa potrebnom dokumentacijom dostavljaju se Komisiji za mlade Općinskog vijeća Doboj Istok, a predaju se na protokol općine Doboj Istok u Klokočnici ili šalju se poštom preporučeno.

Svi dokumenti koji se traže u konkursu treba da budu u originalu ili u ovjerenoj kopiji.

V

Konkurs ostaje otvoren u periodu od 12.02 - 13.03.2020. godine, a objavit će se na web stranici www.opcinadobojistok.ba, oglasnoj tabli općine Doboj Istok i dostavit će se svim mjesnim zajednicama na području općine Doboj Istok.

VI

Nepotpuni i neblagovremeni zahtjevi neće se uzeti u razmatranje.

BOSNA I HERCEGOVINA
Federacija Bosne i Hercegovine
TUZLANSKI KANTON
Općina Doboj Istok
OPĆINSKI NAČELNIK

Broj: 01-34-232/20
Datum, 11.02.2020. godine



OPĆINSKI NAČELNIK

Kemal Bratić